

## ԿԱՐԾԻՔ

### «Հայաստանի Հանրապետության քաղաքացիական օրենսգրքում լրացումներ կատարելու մասին» Հայաստանի Հանրապետության օրենքի նախագծի վերաբերյալ

«Հայաստանի Հանրապետության քաղաքացիական օրենսգրքում լրացումներ կատարելու մասին» Հայաստանի Հանրապետության օրենքի նախագծի<sup>1</sup> վերաբերյալ նկատառումները ներկայացված են ստորև.

1. Նախագծում տեղ գտած որոշ ձևակերպումներ հասկանալի չեն և իրավակիրառ պրակտիկայում կարող են տարաբնույթ մեկնաբանությունների տեղիք տալ: Մասնավորապես.

Ա.Նախագծի 1-ին հոդվածով նախատեսվում է ՀՀ քաղաքացիական օրենսգրքի<sup>2</sup> 201-րդ հոդվածի 1-ին կետում լրացնել հետևյալ բովանդակությամբ նոր պարբերություն. «Ընդհանուր գույքի ծավալը որոշվում է *գույքը բաժանելու պահին առկա գույքի շրջանակներում*:»:

Նշված դրույթում, մասնավորապես, «*գույքը բաժանելու պահին առկա գույք*» ձևակերպումը որոշակի չէ:

Բ. Նախագծի 1-ին հոդվածով նախատեսվում է Օրենսգրքի 201-րդ հոդվածը լրացնել հետևյալ բովանդակությամբ 6-րդ կետով. «6.Ամուսիններից մեկի պարտավորությունների համար պատասխանատվություն է կրում նաև մյուս ամուսինը, եթե ապացուցվում է, որ *ստացվածն* ուղղված է եղել բացառապես համատեղ գույք ձեռք բերելուն կամ գույքը բարելավելուն, սակայն ոչ ավելի, քան ավելացած գույքի՝ *տվյալ ամուսնու* բաժնի չափով:»:

Վերոնշյալ կետում անհասկանալի է, թե ինչ է ենթադրվում «*ստացվածն*» բառի ներքո և թե ամուսիններից որ մեկն է «*տվյալ ամուսինը*»:

«Իրավական ակտերի մասին» ՀՀ օրենքի 36-րդ հոդվածի 2-րդ մասի համաձայն՝ իրավական ակտերի լեզուն պետք է լինի պարզ, հստակ և մատչելի:

Հաշվի առնելով վերոգրյալը՝ առաջարկում ենք կատարել անհրաժեշտ փոփոխություններ՝ հստակեցնելով Նախագծում օգտագործվող վերոնշյալ ձևակերպումները:

### ՀՀ մարդու իրավունքների պաշտպանի աշխատակազմ

---

<sup>1</sup> Այսուհետ՝ Նախագիծ

<sup>2</sup> Այսուհետ՝ Օրենսգրք